

9 taona ny Repoblika faha-4

9 taona koa no nisian'ny fifidianana kitoatoa teto 2

# NY VALOSOA

Gazety misaho intelo isan-kerinandro  
(Tolata - Alakamisy - Sabotsy) VAOVAO

Alakamisy 12 desambra 2019

Laharana 994

Vidiny : 400 Ar

Faminaniana sy fanambarana 5  
ho an'izao tontolo izao (GV 174),  
Madagasikara 08 desambra 2019

[www.gvalosoa.com](http://www.gvalosoa.com)

[gvalosoa@yahoo.com](mailto:gvalosoa@yahoo.com)

facebook : gazety valosoa rakoto

70 taona ny Filoha Ravalomanana 2

Depiote Masy Goulamaly 2

## Mitombo fahamatorana hatrany

## Zaza nify, maro ireo porofo



MAGRO BEHORIRIKA 3

Fitakiana ny fahamatinana ny sabotsy izao



Antoko MTS 2

Manamafy ny tsy fanekeny ny voka-pifidianana feno hosoka

Faritra Sofia 6

Miseho lany ny trafikana rongony

Halatra laza adina bacc 2019 6

Hivoaka ny 17 desambra ny didim-pitsarana

Daka kely

Havanana amin'ny fanaovana copie-collier mihitsy nareo ry Boaikely a !

Baolina kitra COSAFA U20 5

Hiatrika ny lalao ½-dalana anio ny Barea U20



## 70 TAONA NY FILOHA RAVALOMANANA

## Mitombo fahamatorana hatrany

12 desambra 1949, 12 desambra 2019, 70 taona androany ny Filoha Marc Ravalomanana, filoha nassionalin'ny antoko Tiako i Madagasikara (TIM), sady Filohan'ny RMDM, na ny Rodoben'ny Mpanohitra ho an'ny Demokrasia eto Madagasikara. Nankalaza tsy tapaka ny tsingerintaona nahaterahan'ny Filoha Ravalomanana izay ny vahoakany, na tammin'ny fotoana tsy nahateto an-tanindrazana azy aza. Nony tafaverina soa amantsara izy dia mbola notohizana hatrany izany

Depiote Masy Goulamaly

## Zaza nifyd tany Tsihombe, maro ireo porofo

ary androany alakamisy 12 Desambra 2019 dia mbola hisy izay fankala-zana lehibe izay eny amin'ny Magro Tanjombato anio. Hiara-hanome voninahitra an'Andriamanitra ny vahoaka sy ny Filoha Ravalomanana mivady satria avy aminy ny nahazoan'i Dada tombon'andro sy mbola hananany herint-saina ahafahany mijery izay mahasoa ny Malagasy. Mitombo fahamatorana hatrany izy amin'izao nahatratrany ny faha-70 taonany izao.



Tsy ny lanonana no zavadehibe fa ny fiombona-

mpo amin'ny Filoha Ravalomanana, hahazoany hery lehibe miatrika ny sotasota mihatra amin'ny vahoaka Malagasy atao'ny mpitondra sy ny forongony izao.

70 taona, taonan'ny fahamatorana izany, kanefa ihany koa taonan'ny fannana traik'efo, koa tsy mbola hitsahatra isika hi-vavaka ho an'ny Filoha Ravalomanana hananany tombon'andro ho tombontsoan'ny vahoaka Malagasy hatrany. Happy birthday Mister President!

**Ny Valosoa**

Nanamafy ny depiote voafidy tany amin'ny distrik'i Tsihombe faritra Androy, Ramatoa Masy Goulamaly, fa nisy tokoa ireo zaza nasaina nifyd tammin'ny fidianana ny 27 novambra lasa teo tany amin'ity distrika ity. Maro ireo porofo hita momba izany hoy izy. "Mba ho fahamafisana ny efa voalanay teto, dia ireto misy porofo aseho antsika vahoaka Malagasy, amin'ny mahakasika ireo ankizy tsy ampy taona nasaina nifyd, ary voasoratra ao anaty lisi-pifidianana. Efa any amin'ny fitsarana misahana ny fidianana ny fitioriana, sy ireo izay tokony handehanan'izany. Koa noho izany dia, aza jerena hoe raharahan'ny Distrik'i Tsihombe irey izao zavatra mitranga izao, fa tokony ho rahara-

**Isambilo**

Antoko MTS

## Manamafy ny tsy fanekeny ny voka-pifidianana feno hosoka

Manoloana ny fivoahan'ny voka-pifidianana vonjymaika navoakan'ny rantsan'ny CENI isaky ny Fositany dia nanao fanambarana ny antoko MTS sy ny filohany Rolan Ratsiraka. Ny MTS dia manamafy ny tsy fanekeny ny valim-pifidianana feno hosoka, ka hiaro hatramin'ny farany ny safidin'ny vahoakan'i Toamasina. Nandritra ny 20 taona, ny MTS dia handray anjara hatrany tamin'ireo fidianana, fa tsy hary nahita hala-bato sy tsy fanaraham-dalàna tafahoatra mi-hatra tamin'ity fidianana ben'ny tanàna, izay natao teto Toamasina ny 27 novambra 2019 lasa teo. Ireto avy ireo hala-bato sy tsy fanaraham-dalàna, va-rotra sy fividianana ny vatom-pifidianana azonay sy voatahiry, hoy ny fambaran. Ireo hala-bato sy tsy fanaraham-dalàna dia nanamarika ny fahombiazan'ny kandida iray sy nampisy fahadisoan'ny

voka-pifidianana.

1- izahay dia manana porofo sy fijoroana vavolombelona, sary sy tahirint-sary mihetsika maro momba ireo biletam-pifidianana mivalona maromaro miaraka ho iray, izay alatsaka olona iray anaty vatam-pifidianana.

2- manana porofo koa, miaraka amin'ny fijoroana vavolombelona manamafy izany, milaza ny fisian'ireo billetam-pifidianana anaty vatam-pifidianana ireo, fa misy sonia tsy ara-dalàna. Voamarina sy hitanay izany tao anaty biraom-pifidianana telo anatin'ny 10.

3- manana porofo koa izahay ho an'ireo olona nifyd tamin'ny kara-pifidianana fotsiny, fa tsy nisy karapanondrom-pirene-na. 4- fidianana vatom-pifidianana: manana fijoroana vavolombeloni'reo filoham-pokotany sy ireo mpikambana ao amin'ireo biraom-pifidianana, izay tsy vitsy no nilaza fa ny

mandataire ny kandida iray dia nampikarama vola azy ireo, mba hampiasana ireo kara-pifidianana tsy nalain'ny tompony eny amin'ny filoham-pokontany. Ireo kara-pifidianana ireo dia ampiasaina tsy misy karapanondro.

5- misy aminay koa ny fijoroana vavolombeloni'reo filoham-pokontany ary nokaramainy vola izy ireo hangala-batom-pifidianana, mba hampan-dresena ny kandida tohanany. Nampianarina azy ireo ny fomba atao momba ny fangalaram-bato amin'ny fomba maro:

-fifidianana tsy mitondra kara-pifidianana.

-fandatsahana vatom-pifidianana maro arotsaka indray mandeha anaty vatam-pifidianana.

-fanampiana na fanoranta isa iray alohan'ny tarehi-marika ny kandida anan-

tohanany ao anaty procès-verbal.

-maka sary ny bulletin ao anaty isoloir ho porofo ny fidianana ny kandida iray ary omena vola izay mampiseho sary maneho izany raha vantany vao mivoaka avy mifidy.

6-misy porofo hafa koa izahay momba ny fanerena sy fambaboana ankolaka ny mpifidy, mba hifidy ny kandida. Fehiny hoy ny fanambarana:

-takianay ny fansana ireo voka-pifidianana ao anaty biraom-pifidianana 31 izay misy ireo bulletin tsy manara-dalàna, ireo isan'ny voka-pifidianana tsy mazava loatra, miaraka amin'ny isan'ny sonia anaty registre ny fidianana, ny fampitahana ny sonia ao anaty registre ny sonia roa (registre ny ben'ny tanàna sy ny mpanolo-tsaina)

-takianay ny fanafoana na voka-pifidianana rehetra azon'ny kandida anan-

kiray.

**Nangonin'i Stefa**



**Ny Valosoa sy fakafaka**

9 taona ny Repoblika faha-4

## 9 taona koa no nisan'ny fifidianana kitoatoa teto

Taorian'ny fanonganampanjaka niseho ny volana Martsa 2009, dia nisy ireo fifampiresahana nandaminana ny firenena, tamin'ny alalan'ny fihaonana teo ambany fitarihan'ny fianakaviambe iraisampirenena, tany amin'ireo renivohi-pirenena afrikana sy teto an-toerana, natrehin'ireo ankolafy notarihan'ireo Filoha 3 voafidimbahoaka ara-dalàna: Zafy, Ratsiraka, Ravalomanana, sy ilay filoha nanandraten, mpanongam-panjakana Andry Rajoelina, nandmoka anefa izany satria niziriziry tsy nanatantera ny Satan'i Maputo Ingahy mpanongampanjakana. Ny vahaolana narocon'Ingahy filoha dia ny fampa-naovana fitsapan-kevibahoaka nananganana ny Repoblika faha-4, norafetina ny lalampanorenana natao hifanaraka amin'izay nahamety azy, ka novaina hoe 35taona ny fe-taona nahafahana mirot-saka ho fidiana filohampirenena, ny 17 Novambra 2010 no notanterahina ny fitsapan-kevibahoaka, tsiahivina fa tamin'io andro io no nihetsika ireo manamboninahitra nanohitra an-dRajoelina teny amin'ny Bani Ivato, izay niafara tamin'ny fampidirana amponja an'ireo Jeneraly sy manamboninahitra ambonny maro, izay sahy nijoro, nisy tamin'ireo manamboninahitra ireo avy amin'ny Ankolafy Ravalomanana, nisy ireo niara-nanongampanjakana tamin-dRajoelina koa.

Ilay fitsapan-kevibahoaka dia natao ihany, io no fidianana kitoatoa voalohany teto amintsika nam-piasana voalohany ny biletà tokana, tsizarizary ny lisi-pifidianana, kara-pokontany dia efa nahafahana nifyd, fa ny tena nahatsikaiky, sambany no nisy fidianana nahemotra ora roa ny fikatonan'ny birao fandatsahambato, ny filohan'ny Ceni amin'izao fotoana izao no filohan'ny Ceni tamin'izany, izay mampanao "eny" sy "tsia" ihany no nahazo nanao fampiezan-kevitra, fa tsy nahazo niteny izay nitaona ny vahoaka tsy hifidy, nisy mihitsy ny fisaborana sy fampidirana am-ponja an'ireo mpitarika avy amin'ny Ankolafy Ravalomanana: Zafilahy sy Fetison tamin'izany, sy ny avy amin'ny Ankolafy Zafy: Edouard Tsarahame, izay sahy nijoro nanambara fa tsy misy lanjany ilay fitsapankevibahoaka.

Nandresy ny "eny", ny 11 Desambra 2010 no napetraka tamin'ny fomba ofisialy ny Repoblika faha-4, kanefa tsy maintsy nirosoana ny fampiharana ny tondrozotra izay nasolo ny Satan'i Maputo, ka voatendry ho Praimnistra i Jean Omer Beriziky, io no fitondram-panjakana niara-nitondra tamin-dRajoelina namita ny fidianana filohan'ny repoblika sy solombavambahoaka.

Nandritra ny 59 taona nambara fa niverenan'ny fahaleovantena dia Repoblika efatra no efa nisy ary ny iainantsika izao dia ilay fahaefatra. Mazava ny dikan'ny hoe repoblika fa fitondrana tsy entin'ny mpanjaka, fa olona voafidimbahoaka no mitondra, indrisy anefa fa tamin'ity repoblika iainantsika ity dia nahamenatra sy nampisitribelona, satria fidianana feno hosoka hatrany no nisy teto amintsika, ary ny fidianana Ben'ny tanàna sy mpanolotsainan'ny tanàna farany teo, dia vao mainka nampisehon'ireo mpamotika firenena ny halozany, fa dia nibaribary ny hosoka tamin'ny alalan'ny fanoisihesena ny lalàna, mazava fa tsy afa-miala amin'izany ny Ceni izay tsy iza no filohany fa ilay nikarakara ny fitsapankevibahoaka nampijoroana ny Repoblika faha-4.

Noho ireo voalaza rehetra ireo dia mila mijoro ny vahoaka malagasy miaro ny safidiny hanome lanja ny repoblika.

**Ny Valosoa**

## Ny Valosoa sy hadihady

**Misy mizana tsindrin'ila eo amin'ny fitantanam-pirenena**

**M**isarika ny sain'ny mpandinika maro ankehitriny ny amin'ny namolavolana ny tetibolam-panjaka taona 2020, sy ny kajikajy ao anatin'izany, izay misy nahena ary misy nampitomboina ho an'ny sampan-draharaha samihafa eo anivon'ny andrim-panjakana. Anisany iray nanairia ny maro ny amin'ny nampidinana ny tetibola ho an'ny Antenimerandoholona sy ny nampiakarana ny an'ny solombavambahoaka eny Tsimbazaza. Marina, fa nahena ny isan'ireo loholona, kanefa kosa tsy azo hiheverana velively ny antony amin'ny ampiakarana tetibola ho an'ny eny Tsimbazaza. Tsy mandehandeha ho azy izany ho an'ny mpandinika sy mpanara-baovao eto amin'ity firenena ity. Iaraha-mahalala fa maro an'isa ny olon'ny antoko avy amin'ny fitondrana eo anivon'ny Antenimeram-pirenena. Lany 100% azo ny filohany, Razanamahasoa Christine, tamin'ny fidianana nataotao. Midika zavatra be dia be izany, ary efa azo itarafana ny fandehan'ny toe-draharaha ao amin'io andrim-panjakana iray io, ny filazan'ny depoten'ny Tim iray izay tsy afa-nanoatra na dia tsy nekeny azo ny nandanian'ireo solombavambahoaka ny volavolandalàna mikasika ny asa fanaovan-gazety, ka mamaritra ny amin'ny tsy maintsy anaovan'ireo orinasantserasera, gazety sy haino aman-jery, manatitra arsiva. Midangana amin'io ny lamandy ho an'izay tsy manao izany, fa mahatratra hatrany amin'ny 2 taprisa ariary. Tsy mbola nisy toy izany teto amin'ity fire-

nena ity ary fanerena an-kolaka ny mpanao gazety izany amin'ny lalana tsy nizorany hatramin'izay ary tsy tokony ho hisy akory.

Mifandray amin'ny fikendrena ataon'ny fitondrana izany, izay mamaritra ny lalana tiany hampizorana ny rehetra eto amin'ity firenena ity ? Mety ho santatry ny fietsiky ny fitondrana ihany io ampanao vina ny solombavambahoaka io. Tena solombavambahoaka marina avokoa ve ireo ao amin'ny Antenimerampirenenen eny Tsimbazaza io ? Mazava loatra fa tsy hevitry ny vahoaka nify azy ireo izany, fa azy ireo irery araka izay saim-pantany ao. Misy azo tsy mahay velively ny asan'ny mpanao gazety izany kanefa asaina mifidy ny lalana mamaritra ny asa asaina ataony. Herintaona izao, ary fe-potoam-piasana voalohany ho an'ny fitondrana Rajoelina ity tranga miseho ity. Tsy maintsy mbola hisy ny manaraka izay tsy hevitry tsy niserana akory tao an-tsain'ny vahoaka kanefa hotapahina sy holaniana eny Tsimbazaza. Efa nampitomboina rahateo ny vola fandrain'izy ireo miaraka amin'ny tombontsoa maro samihafa. Misy ny asaina mifehy kibo sy manao fitsitsiana fa misy ihany koa ny tsinjovina amin'ny tombontsoa samihafa manokana eto amin'ny tany sy ny fanjakana, hoy ny mpandinika ihany. Andrasana ny hiakaran'io volavolan-dalàna io eny amin'ny Japan'Anosikely, dia ho hita eo ny tohin'ny raharaha.

Sôh'son

**MAGRO BEHORIRIKA****Fitakiana ny fahamarinana ny sabotsy izao**

Tapakevitra ny vahoaka leon'ny hosoka sy halabato fa hijoro hitaky ny fahamarinana, ka ny Kianjan'i Magro Behoririka, Kianjan'ny Finoana no ho Ambohipihaonana amin'ny Sabotsy 14 desambra ho avy izao. Hiara-hirodoro hanambatra ny hery ny rehetra leon'ny hosoka sy ny halabato.

Hetsi-bahoaka izay taruhan'ny Kandida Riana Randriamasinoro sy ny Solombavambahoaka Tim ary ireo antoko politika sy fikambanana mafatsapa, fa tsy izy intsony ny zavamisy iainana ankehitriny.

Aoka tsy ho hadinoina fa io kianja io no nampisehoan'ny Zanak'i Dada ny fahamatorany sy ny fahavononary, tao no nitolomana nitakiana ny fodian'ny Filoha Ravalomanana



an-tanindrazana dia tratra ny tanjona, fa tafody soa amantsara i Dada ny 13 oktobra 2014, mbola tao amin'io kianja io ihany koa no nanombohana sy namaranana ny fotoampavahana tamin'ny fampielezankevitra fidianana

ben'ny tanàna tamin'ny taona 2015, ka nandresen'i Neny Lalao Ravalomanana, saingy taty aoriania dia toa zary hadino ny fanaovana hetsika tao, fa ankehitriny kosa ho tonga amim-pinoana isika amin'ny Sabotsy hoavy

izao, fanombohana io ary manantena fahombiazana sy fandresena isika satria ny mino tsy maintsy mandresy, sady fotoanana'ny fanantenana ny miaholo ny Krismasy toy izao.

Ny Valosoa

Boriboritany faha-6

**Mandray anjara amin'ny asa fampandrosoana ny depioite Todisoa**

Tsy mpanao lalàna ihany, fa mandray anjara amin'ny asa fampandrosoana koa ny depioite avy amin'ny antoko Tiako i Madagasikara (TIM) ao amin'ny Boriboritany faha-6, Todisoa Andriamampandry. Na dia tsy asan'ny Solombavambahoaka tokoa aza ny manao lalana fa manaramaso ny asan'ny mpanatanteraka ary miady ny tombontsoan'ny vahoaka ho amin'ny fampandrosoana tena izy sy mivanta, ary manao lalana, tsy manakana ny tenanay depioite Andriamampandry Todisoa izany hitady fomba rehetra ham-

pandrosoana ny tanàna, ka isan'izany ny fiarahamiasa amin'ny Kaominina Antananarivo Renivohitra (CUA) tamin'ny fanolotana tanana ny Boriboritany faha 6 Ambohimanarina, tamin'ny fitaterana vato sy fasika, izay namboarana ny lalana ao Ambodihady Faritra Ambony Avaratra ary mbola amperin'asa tanteraka ny manao izany asa izany amin'izao fotoana, hoy ny depioite Todisoa. Tafiditra ao anatin'ny fanamby natao tamin'ny vahoaka rahateo izany araka ny nambarany ihany.

Isambilo



Ny fanamboaran-dalana rarivato eny amin'ny Boriboritany faha-6.

**facebook****NY VALOSOA**

Gazety misohe intelo isan-kerinandra VAOVAO

**Mahazendana : jiolahy karohana hita tany amin'ny Lapampanjakana**

**Arp Helisoa** : tena mahagaga sy mahazendana mihintsy izany hoe jiolahy karohina mafy izany nefy any amin'ny lapampanjakana no ahitana azy!

**Hery Tina Randri-naivoson** : ts mahagaga izany satria efa ela ihany koa no fantatra fa ilay ambara fa jiolahy dia mpiaradia @ zareo ao andapa ihany ... Ny

mahagaga kely fotsiny nga dia hoe maninona no tapanekitra hisambotra azy tampoka teo zareo (rehefa "nikaroka" mafy sy ela nefy "nahita") ... Mety hatarohana hamoaka ny secret dia nosamborina amin'izay!

**Andrianjakahasina Rasamimanana** : itony ve????? ilay mpanao kidnapping. Lisitra faharoa tamin'ny fidianana depioite io tamin'ny antokon'ny fitondrana. Ka ilay fitondrana mihitsy zany no fitondran-jiolahy, ka tsy mahagaga raha tonga any an-dapa ny jiolahy mpaka an-keriny.

**Tina Tina Antsirabe II** : lasa toerana fieren'ny jiolahy ilay lapa, ka moa tsy misy akôlitany ao va ? nisy kamaradiny tao matoa izy tonga tao, tokony hosamborina koa.

**Zacharie Rakotoarisoa** : izy mianakavy ao izy daho : afera boaderôzy, kidnapping, halatra tany, tra nom-panjakana, hala-bato, vatosoa, volamena, miray tendro amin'ny mpanao blanchiment,...

**Tovohery Ratsimba** : tsy mahagaga zany namana Helisoa al!RAHA HITADY ANJANAKO IANAO,DIA ANY ANTRANOKO!mazava belraha mangalatra akoho ny zanako,dia miaramisotro ny roniny izahaylsa tsy izany!filôzôfia tsotra be! Ohatra tsotra no nomeko, fa azo oharina amin'izany ity cas ity.

**Hery Lalaina** : IOOOZAAA ! efa mibaribary loatra ny momba an'ilay fitondrana Rajoelina sy ny forongony.

**Bakoly Ranaivoarivelox** : inona no ahagaga e! Fitondran-jiolahy anie ny eto amintsika e!

**Mamitiana Henri Andrianjaka** : ka ny Lapa rehetra eto amintsika anie ka feno jiolahy daholo eh. Iza no sahy milaza ny mifanohitra @ izany???

**TONONKALO**

**MILA DADABENOELY**

Asa raha ho avy ihany izany hoe krismasy,

F`efa reraka tanteraka ny vahoaka malagasy.

Mila dadabenely mba hanova indray ny fiainany,

F`efa tena tsisy mihaino ny toloko sy tarainany !

Asa raha ho avy ihany izany hoe krismasy,

F`efa haizina tanteraka no iainana eto an-dasy !

Mila dadabenely hitondra rano sy hazavana,

Fa mangentana sy maina , maizim-pito ny tanàna !

Valalanina ny saina, tena reraka , torovana,

Fa ny jiro manazava sy ny rano izay hidiovana,

Mihasarotra isan`andro sady tena manahirana,

Toy ny efa manambara fa tsy misy ny mangiranana !

Jiolahy no indreo mitondra sy manao izay tiany hatao.

Milaza hoe "nandia fianarana" saingy tsisy kalitao.

"Tsy marina sy tsy madio" ka tena tsy azon'iza ekena

F`efa poizina manimba sy mamono firenena !

PR HARIMALALA JOSEPH

## Manaraka am-bokony ny baikon'ny mpanakarama azy ny CENI

**M**bola resaka misrika ny sain'ny mpa-nara-baovao hatrany ny fomba fiasan'ny CENI tamin'ny fidianana izay ho Ben'ny Tanana farany teo iny. Hatramin'izay mantsy dia nitarazoka dia nitarazoka ny fomba fiasan'ity lazaina fa "vaomieram-pirenena mahaleo-tena misaha ny fidianana" ity; kanefa dia vakiana fotsiny araka ny fitenin'ny tanora fa baikon'ny mpanakarama azy ary manaraka am-bokony ny mpanakarama azy, dia ny fitondram-panjakana izany ka na manao fanikan-dalana sy fahotana mahafaty aza dia jerem-potsiny izany. Isan'ireo manaraka akaiky ny raharaha-pirenena moa I Pr Harimalala Joseph ka ho azy dia arak any fandinhina ny soratra masina sy ny hafatr'Andriamanitra no hitondrany izany. Amin'ity fanehoan-kevitra ary di any tenin'Andriamanitra tao amin'ny Lioka 19:39-40 no hisantary ny fanehoan-keviny, izay manao hoe: "Fa ny Fariseo sasany, izay teo amin'ny vahoaka nanao taminy hoe: "Mpampianatra ô!, raraoy ny mpianatrao. Fa Jesosy namely ka nanao


hoe: lazaiko aminareo fa raha mangina ireo di any vato no hiantsoantso". Ny tiana hambara hoy ity mpandinika ity dia nisy ny fandikan-dalana be dia be sy goavana nandritra iny fidianana Ben'ny Tanana farany teo iny, toy ny halabato sy ny hosoka maro Samihafa izany, na teto andrenivohitra izany na nanerana ny faritra, ary izany dia efa niseho nandritra ny fidianana in-3 nisesy teto Madagasikara ary dia diso nibaribary tanteraka izany tamin'ny fidianana Ben'ny Tanana farany teo. Etsy andaniny moa dia maneho fitakiana ny marina momba iny fenantanerahana iny fidianana iny ny teo anivon'ny Tiako I Madagasikara saingy mampalahelo fa terena hangina tsotra izao ny filoha Marc Ravalomanana sy ny vahoaka maro an'isa, izay manan-jo hitaky izay fahamarinana izay. Nilaza moa ny teo anivon'ny CENI sy ny mpomba ny fitondrana fa manakorontana ny firenena ny fitakiana ny marina, fa tokony hiandry am-pitoniana ny vokam-pidianana ny rehetra, kanefa dia ambaran' I Pr Harimalala Joseph fa ny

misoroka no tsara nohon'ny mitsabo ka tsy tokony hanaiky ho ampanginina fotsin'izao ny vahoaka Malagasy mitady ny marina satria mahatezitra an'Andriamanitra izany satria toa firaiana tsikombakomba amin'ny ratsy izany ka mahameloka eo anatrehan'Andriamanitra arak any tenin'Andriamanitra ao amin'ny Ohabolana 17: 15 manao hoe: "Izay manamarina ny meloka, na izay manameloka ny marina, dia samy fahavetavetana eo imason' I Jehovah", ary mitohy ao amin'ny bokin' I Nahoma 1:3 izany manao hoe: "Mahari-po Jehovah sady be hery ary tsy mety manamarina ny meloka: amin'ny tadio sy ny tafidrivotra ny lalànl' Jehovah, ary rahona no vovoky ny tongony". Noho izany tenin'Andriamanitra izany dia tsy tokony hatao tsinotsinona Andriamanitra, ary tsy azo vazivazaina, satria "zavatra mahatohatra ny ho azon'ny tanan'Andriamanitra velona", araka ny voasoratra ao amin'ny Hebreo 10:31. Noho izany dia ampanetre-tena no hilazana amintsika rehetra mba handinika, indrindra

ianareo mpitsara hishana ny fitsarana io vokam-pifidianana io, ka tsy hanaraka ny rariny sy ny hitsiny manoloana io tsy fanjakan'ny fahamarinana sy ny hitsiny io, tamin'io hala-bato. Ety ampamaranana hoy ity mpandinika ity dia am-pitiavana no anaovana antso avo hoan'ny mpitondra fanjakanana mba hiverina amin' Andriamanitra amin'ny fo toko, sao sanatria ka ho ratsy fiafara tahaka an' I Farao. Hoy mantsy ny ambaran' I Ezekiela 32: 2-4 manao hoe: "Ry zanak' olona, manaova hira fahaleovana an' I Farao, mpanjak'an' I Egypta, ka ataovy aminy hoe: nanao ny tenanao ho tahaka ny Liona tanora tamin'ny firenena hianao, kanjo tahaka ny dragona (...) Jehova tempo: ny firenena betsaka tafatambatra no ho entiko mamelatra ny haratoko aminao, ary hakarin'ireny amin'ny haratoko hianao, dia hatsipiko eny an-tanety ary hariako any antsaha, dia hampitangoroniko eo aminao ny voromanidina rehetrea, ary homeko hivokisan'ny bibidina rehetra ny tenanao".

Lezama

## Sakafo Ny Valosoa



**Baranjely nendasina**, atao saosy misy laron-sakafo sesame ary nosesehana indray no laoka eto amin'ny gazetinao androany. Tsara raha hasiana lasary voatabia miaraka aminy. Dia mazotoa homana tomopoko.

## NY VALOSOA sy Mahaso

### Ireo tombontsoa azo avy amin'ny dite sakamalaho

Ireo tombontsoa azo avy amin'ny dite sakamalaho indray no Mahaso eto amin'ny gazetinao androany. Mala ny mitohana na constipation. Mampitonny ny stress, n any rarintsaina. Mampatanjaka ny retsika isan-karazany na nerf, sy ny fiasan'ny atidoha. Mam-pafana kibo sy ny vatana, ary manampy amin'ny fam-pihenana lanja koa ity dite ity. Fanaovana azy: rano 1/2 litatra, sakamalaho 10 cm: refesina, na indroa ny haben'ny ankihibe. Raper-na ilay sakamalaho. Ampangotrahana mandritra ny 20min dia tsihifina. Sotroina vao maraina sy alina alohan' ny hatory, sotroina mamay ny dite. Izany hoe zaraina roa ilay rano antsa-litatra, ny 1 atao maraina ny 1 atao hariva: tsy asiana siramamy.



## NY VALOSOA sy Mahaliana

### Ny tanànan'Antranokarany, any amin'ny distrikan'Ambohitra Diana

Ny tanànan'Antranokarany, any amin'ny distrikan'Ambohitra Diana indray no Mahaliana eto amin'ny gazetinao androany. Kaominina ambanivohitra ity tanàna ity. Iva toerana ihany izy, satria 18 m eo ny haavony mihatra amin'ny ranomasina. Tantsaha mpamboly sy mpiompy ny ankamaroan'ny mponina. Vokatra any ny vary, ny kakaô, ny kafe.



## Antsirabe

### Aparitaka ny vokatry ny fanadihadiana Multiple Indicator Cluster Survey (MICS) 2018

Maro ny sehatra iasan'ny Fanjakana amin'ny fanta-terahana ny Plan pour l'émergence de Madagascar. Marihina fa miankina amin'ny fanadihadiana toy izao momba ny vahoaka no entiny Fitondrana mamolavola ny programan'asany amin'ny fampandrosoana maharitra na ODD. Antony anao-vana izao fanadihadiana izao ny fijerena hoe inona ny zava-misy eto Madagascar? Araka ny tombana sy ny fanadihadiana ifotony nataon'ny INSTAT amin'ny tapatapaky ny

volana Aogositra hatramin'ny farany volana novambra 2018, izay vatsian'ny UNICEF sy ny Banque Mondiale ary ny Agence des Etats Unis pour le Développement International (USAID), nataon'ireo mpanadihady 180 dia ireto no lohahevitra tena nisongadina: ny resaka fahasalamana, ny reny sy ny zaza no tena ifantohan'ny fanadihadiana. Eo koa ny resaka sakafo, zaza 6 amin'ny 10 no manana olana ara-pitomboana izay tsy mifanaraka amin'ny tao-nany. Lafin'ny fianaranana

kosa, 7% ny zaza mianatra raha zaza 6 amin'ny 10 izay efa miasa. Natao ihany koa ny fanadihadiana mahakasika ny rano, fidiovana, fanadiovana, 5% ny rano no azo antoka fa madio. Notanterahina anio 9 desambra 2019 ny seminera rejionaly mahakasika ny fanadihadiana ny toetry ny mponina tamin'ny 2018. Nanome voninahitra izany ny Prefetn'Antsirabe ANDRIANTOMPONERA Voahangiarimino, ny Tale misahana ny Fampandrosoana RAKOTOARIVE-

LO Rivo Herindray, ny PDS kaominina Ambonivohitra, ny solotenan'ny Tale jeneraly INSTAT RANDRIANASOLO Jacky Roger, ireo Talem-paritra avy eto an-toerana, ny mpitandro filamñana, tao amin'ny Espace Rojo Antsirabe. Marihina fa mbola hitohy any amin'ny Faritra hafa izao seminera fanapariahana amin'ny fomba ofisialy ny valim-panadihadiana 2018 izao.

Solohery

## Antsirabe

### Nanolotra soso-kevitra momba ny famerenana ny Nosy Malagasy

Ny 9, 10 ary 11 desambra 2019 no nanaovana ny fakan-kevitra nasionaly mahakasika ny famerenana ny Nosy ho an'ny Malagasy, tany amin'ny CCI Ivato Antananarivo. Nisy araka izany fanehoan-kevitra sy famerenana taratasy hampitana ny hevitry ny Malagasy, izay entina any amin'ny ambaratonga ambony. Ma-

rihina fa nanana olona roa no nanolo-tena hisolo tena antsika eto Vakinankaratra, hitondra ny hevitika any ambony: ny Inspecteur HARIJAONA avy amin'ny FIP sy ny Pastora MANANKASINA Herizo. Ara-tantara dia ny 1er avril 1960 no tafapetraka ny « îles éparses ». Ny anarana hoe « îles éparses » dia mandrako-

tra ireto nosy dimy ireto ao amin'ny ranomasim-be Indianina : Bassas da India, Europa, Juan da Nova, Glorieuses, Tromelin. Notanterahina ny 6 desambra 2019 ny fivoriane fakan-kevitra rejionaly mahakasika ny « îles éparses ». Notarihin-dRamotoa Préfet Antsirabe sy ny Lehiben'ny Faritra mpi solo toerana RAKOTO-

MAHANDRY Thimoté, tao amin'ny Tranompokonolona Antsirabe. Ilaina ny firaian-tsaina, firaismapo ary fifanohanana hamerenana ireo nosy ireo amin'ny Malagasy. Hangatahana ny olona rehetra hanao « volontaire », hiara hanao dingana hampiseho fitiavan-tanindrazana.

Lezama

# Faminaniana sy fanambarana ho an'izao tontolo izao (GV 174), Madagasikara 08 desambra 2019

**Salamo 119: 18-20** "Ampahirato ny masoko mba hahitako zava-mahagaga ao amin' ny lalànanao. Vahiny ety an-tany aho, aza afeninao ahy ny didinao. Torotoro ny fanahiko noho ny faniriany ny fitsipikao mandrakariva".

Ry mphaino sy mpamaky, raha misy zanaka tiana dia izy no azo antoka, itokiana sy iaraha-miasa. Tahaka izany koa IZAHO JEHOVAH sy ianao. Hatako JEHOVAH ahoana moa no hiara-miasa amin' ny olona izay tsy mahalala izay ao am-poko akory, tsy mahafantatra ny programako, tsy mino izay lazaiko, tsy mitady izay mahasoa fa mandeha amin' ny saina, miasa amin' ny eriterertiny, matoky ny fony, tsy manana zava-panahy, mandrositra Fahamarinana, mankahala famonjena, manangana mpanjaka ho azy, manorina firenena izay tsy avy Amiko akory, tsy matalotra izay ho avy, mitoetra eo amin' ny maizina mandrakariva, mody tsara oa anaty fahazavana, kanefa misotro fangidiana mamono, raha misafidy dia fahafatesana, raha mitia dia fankahalana, raha mphaino dia zavapoana, raha miteny dia ratsy manohitra fahatsarana. Izany teny ambarako amihareo izany dia efa ilay noteneniko omaly hoe tenim-pahendrena, tenim-pahasoavana, teny fahalalana, teny famonjeny, teny famindram-po, tenim-pahamarinana ary Fahamasinana. Izany no tao amin' ny Solomona. Raha misy ho tafakatra ambony toy ny vorona, tsy mba mijery ambony fa mandinika ny ambany mandrakariva ary izay eo amin' ny tany kosa dia mian-dandra tsy misy farany manantena izay mitoetra any amin' ny ambony indrindra tsy hitan' ny masonry. Raha misy ny mahay mphaino ka mitahiry izay ao am-pony dia izy no hamoaka ny Fahamarinako amin' ny fotoana rehetra ilana azy. Izay maniry fiadanana tsy maintsy mandeha amin' ny Fahamarinana. Izay te-ho sambatra dia tsy maintsy manaiky ny mpamponjiny izay nomena azy. Izay mangetaheta ny fahahiny ho vonjena tsy maintsy mikolo-kolo ny vatany ny sainy ary ny fony. Katsaho ary ny Fahamarinana fa Fahendrena izany. Izay noforonin' ny Tanaoko JEHOVAH, izay naloaky ny vavako JEHOVAH, izay nobanjinin' ny masoko JEHOVAH, AHY avokoa ireny nomeko ny zanak' olombelona te-hahita fiaianana. Mandrenesa, toy ny fiaianana mahavelona ireny, mandra-pahatongan' ny fiafaran' izao tontolo izao. Efa mba nodinihanareo va ny Heriko? Efa mba tsapanareo va ny Fahefako? Efa mba nofantarinareo va ny zava-mafina? Lazao Amiko hoe? Impiry ianareo no namorona toy izany? toa fahafatesana. Impiry ianareo no miteny toy izany? toa fandinganana. Miverena ao amin' izay nolazaiko fa izay no tena fiaianana. Mifampiaerà sy mifampilazà fa marina avokoa izay AHY JEHOVAH rehetra. Ampahirato ny mason' izany matory izany. Torio eny amin' ny tontolo rehetra misy fa na dia ny biby any an'ala aza mitolagaga, ny voro-manidina tsy hehetsika, izay mandady amin' ny tany tsy mikisaka intsony. Fa ny olombelona kosa hiaiky izay tsy hitan' ny masonry ary hino zava-mafina. Rahoviana ihany vao mba hisy sahy hiteny eo anatrehan' ny manam-pofon' aina ve? Ny manam-pahaizana ve? Ny mpitondra fanjakana ve? Ny mpandalina sy mpa-hay tao-zavatra fa avy Amiko JEHOVAH ny zavatra rehetra. Takaro izany

fa ho fantatrao. Fantaro izany fa ho mphaino. Antsoy ny lalina fa hiseho. Antsoy ny mazava fa hiposaka. Antsoy ny marina fa hiharihary. Ary antsoy AHO dia ho hitanao hatrany amin' izay voalaza tany aloha fa ny solofoon'i Jese no hanapaka izao tontolo izao tsy azo afenina. Rehefa tonga ny fotoana iza no hahasakana ary raha miteny izay efa nomanina iza no tsy hihaino. Raha izay mbola tsy nisy no hitan' ny olona, izay nampanantenaina no avoaka, iza no tsy hankalaza tsy hanome Voninahitra. Dia ireo voalaza rehetra tany aloha tao aminareo mpanompoko isan-tokony avy. Hitory ianao? Mitory an' iza. Hampianatra? Hampianatra inona? Hilaza zava-mafina? Avy amin' iza? Hitahiry? Iza no tehirizina? Jereo ny Teniko mikasika ireo mpanompoko dimy. Teniko izany, heriko izany, tanterahiko izany. Tsy misy miloaka ny vavako ka mivalona, tsy misy manohy izany. Tsy misy hery tsy miavoaka tamin' ny fotoanany ka miverina tahaka ny maty izany. Tsy misy fanapahana notendrena ka tsy amoahana mpanjaka hitondra, tsy maintsy amin' ny fotoanany koa ireny. Tsy misy Fanjakana nambara fa ho avy ka nahoana no tsy aharihary amin' ny fotoanany. Zava-dalina ao amin' ny Fahahiko izany. ????????? Nahoana re no dia izao sisa no fiafaran' ny tany e? maina, kina, feno mosary. Nahoana re ny olombelona no dia mora hozongozonina miaina. ????????? Nahoana re no dia mora manakalo ny fahalalan' izao tontolo izao ny olombelona nofonroniko tamin' ny Fahefako sy ny Teniko. Aza avela hisy hamitaka anareo na amin' ny Teny na amin' ny fomba na amin' ny fanao fa raha misy ny atao hoe ady dia misy ny atao hoe resy na mandresy. Izay ao Amiko JEHOVAH dia mandresy, izay tsy ao Amiko kosa dia resy. Izay Avy Amiko tsy miady fa izay manana ady dia IZAHO no miady ho azy ao amin' i JESOSY. Izay manaraka an' i JESOSY dia mpandresy. Ny atao hoe resy dia tsy tafarina intsony, tsy tafavoaka intsony. Ataovy ny sitrapoko fa izany manao izany dia mahita fiaianana mandrakizay. Mahita izay mitady AHY, manana antoka izay mino an' i JESOSY ary tafatoetra izay ao anatin' ny Fanjakako. Tehirizo ny Fahendren' ny Lanitra, atsipao anaty afo izay an' ny tany. Mifahara amin' ny Teny Masina. Misikina amin' ny Fahalalana, mitsangana amin' ny Fahamarinana; mitoera amin' ny Fahamasinana. Aza menatra manambara fa fanatipitahina tahaka ny vakana ireny tsy misy farany, mandra-pahatongan' ny fetra. Tsy misy fetra ny fahalalana raha tsy tonga eo anatrehako amin' ny fotoana.

Amen!

Mbola hitohy.

Amen!

**JEHOVAH MPANJAKA MANDRAKIZAY**  
**Telephone :** 033 12 461 43, 034 44 966 48

**E-mail:** jehovahandriamanitra@gmail.com

**Facebook :** Jehovah Andriamanitra page

**Radio:**

- **Antsiva**, FM 97.6, Alarobia maraina 5ora 45min- 6ora
- **Soa Radio**, FM 96.8, Alahady maraina 6ora 30min -7 ora
- **RMK**, FM 102.4, Asabotsy 12 ora -12 ora 30min

**Gazety efa miara-miasa, Ny Valosoa Vaovao (www.gvalosoa.com):** mivoaka Talata sy Asabotsy

## NY TENY FIAINANA

(Sal. 34. 12-16). I Petera 3:12

Fa ny mason'ny Tompo dia mitsinjo ny marina, ary ny sofiny mihaino ny fitarainany; fa ny tavan'ny Tompo dia tezitra amin'ny mpanao ratsy".

## AMBOHITRAKELY BORIBORITANY FAHA-3

# Nametraka "buse" miisa 7, sy nandrakotra tara ny arabe teo amboniny ny CUA



Ny fanamboarana nataon'ny CUA teny Ambohitrakely.

nina noho ny fahavitan' izany fotodrafir'asa izany ary nangataka ihany koa ny hitohizan'ny asa. Etsy andaniny kosa dia nanao fanentanana ny Talen'ny sampan-draharaha misaha ny fotodrafir'asa eo anivon'ny CUA, RATO-VOHERY Henri, mba hanajan'ny tsirairay izany fananana iombonana iza-ny satria « Antananarivo dia soa iombonan'ny Madagascar ». Tsy hijanona ha-treto ny asa fanamboarana foto-drafir'asa izay ataon'ny kaominina Antananarivo Renivohitra, fimbola hitohy manerana ny boriboritany enina amin'ireo fahasimbana izay hita, indrindra amin'izao fotoam-pahavaratra izao, noho ny hafitsoky ny ranovokatry ny orana.

Aly

## Analakely sy ny manodidina

# Ny 10 desambra, ka hatramin'ny 05 janoary 2020 ny Bazar de Noël



Ireo mpitantana ny Boriboritany voalohany, nampahafantatra ny momba ny Bazar de Noël, eny Analakely sy ny manodidina.

miasa aminy, fa tsy araka ny tsaho aelin'ny sasany, fa hoe tsy mitantana ny tanàna intsony. Ao anatin'ny vanimpotoana hiampitana man-kany amin'ny mpitantana vaovao ny tanànan' Antananarivo ankehitriny, mbo- la manatantekra ny asa-ny araka ny ampanao-vin' ny lalàna azy ny mpitantana rehetra eo anivon'ny kaominina, mampitandrina ireo olona manakorontana amin'ny alalan'ny fanelezana tsaho sy vaovao tsy marina ny mpitantana, ary milaza ny tsy handefitra ho an'izay tratra. Tokony samy hiatrika ampitonina sy am-pilaminana ny fetin'ny krisimasy sy ny fetin'ny faran'ny taona avoka ny Malagasy rehetra araka ny nambaran'izy ireo. Ankoatra izany, efa mivo-lon'andro fety tanteraka ny eto an-drenivohitra amin'izao fotoana izao, manamarika izany ny fisian'ireo mpivarotra kojakoja fampiasan'ny olona amin'ny fetin'ny noely sy ny faran'ny taona ary ny taona vaovao amin'ny toerana maro.

Aly

## Baolina kitra COSAFA U20

# Hiatrika ny lalao ½-dalana anio ny Barea U20

Hiatrika ny lalao ½-dalana anio any Lusaka renivohit'i Zambia, eo amin'ny bao-lina kitra ny Barea U20, n any ekipam-pirenena Malagasy latsaky ny 20 taona. Tafita amin'ny dangan'ny manasa-dalana tokoa i Madagasikara tam'ireo lalao telo nataony, vokatra izay mitondra azy

dresy an'ny Nosy Maorisy tamin'ny isa 2 noho 1 afak'omaly. Efa nitarika tamin'ny isa 2 noho 0 isika teo am-pialan-tsasatra. Fandresena roa sy ady sahala iray no azon'i Madagasikara tam'ireo lalao telo nataony, vokatra izay mitondra azy

ho amin' ny dangan'ny manasa-dalana. Hihaona amin' i Afri-ka Atsimo i Madagasikara amin'ny lalao manasa-dalana voalohany, ary i Zambia mpampiantran sy Angola ny lalao manasa-dalana faharoa.

Lita

## ASA SOSIALY

## Nanome rà ny miaramila

**M**iezaka manao asa sosialy koa ny miaramila eto amintsika, anisan'izany ny fanomezan'izy ireo rà mai-maimpoana ny mpiarabelona, satria izay manome rà, manome aina. Arak'izany, nandray an-jara tamin'ny fanomezandrà, izay nokarakain'ny masoivohon'i Indonezia eto amintsika sy ny vokovokomena Malagasy, na

Croix Rouge Malagasy, ny teo anivon'ny Ministeran'ny Fiarovam-pirenena afak'omaly, izay tonga amin'ny adiany fahaoa tamin'ity taona 2019 ity. Izao no natao dia ny hanomezana sy hanampiana ireo izay me-ty ho sanaatratrana tsy fahasalamana, indrindra amin'izao vaninandron'ny fety izao.

Niaina



Fanomezan-drà nataon'ny miaramila tamin'ity herinandro ity.

Faritra Sofia

## Miseho lany ny trafikana rongony

Miseho lany amin'izao fotoana ny trafikana zavamahadomelina rongony any amin'ny faritra Sofia iny, toy ny any amin'ny renivoohitry ny Faritra, ao Antsohihy. Manao ny ainy tsy ho zavatra kosa anefana izany azan y mpitandro filaminana sy ny andrimasom-pokonolona any an-toerana. Vokany: rongony na Jamala 1 t mahery no saron'ny mpitandro filaminana tao Ambodimandresy, tany amin'ny faritra iny tamin'ity herinandro ity. Tao amin'ny fokontany Antabohitra, kaominina Ambodimandresy distrikan'Antsohihy



Ireto rongony tratra tany Antsohihy.

no nahatratrana izany rongony izany, nohon'ny fiaraha-miasa tamin'ny fokonolona sy ny mpitandro

filaminana. 32 ireo olona nitondra ny entana, fa vokatry ny fifanjevoana dia tafaporitsaka izy ireo, fa

ny iray no voasambotra . Nodorana tao Antsohihy ireo zava-mahadomelina 1 t mahery ireo, izay tamina gony miisa 64. Teo imason'ny manampahefana avy ao amin'ny faritra Sofia, mpitandro filaminana , ny mpanao gazety ary olon-tsotra no nandorana azy . Nankistraka ny fiaraha-miasa miaraka amin'ny fokonolona ny mpitandro filaminana avy amin'ny Kompanian'ny Zandarimariam-pirenena any Antsohihy ary manentana sy maniry ny hitohizan'izany fiarahamiasa izany .

Ny Valosoa

Halatra laza adina bacc 2019

## Hivoaka ny 17 desambra ho avy izao ny didim-pitsarana

Hivoaka amin'ny 17 desambra 2019 ho avy izao ny didim-pitsarana maha-kasika halatra laza adina, na ny fivoahan'ny laza adina mialohan'ny fotoana tamin'ny fanadinana bacc farany teo. Ho fantatra amin'io fotoana io ny hoavin'ireo olona miisa 11 mianadahy nosamborina rehefa noahiahiana fa tao

ambadiky ny fivoahan'ny laza adina bakalôrea 2019 nialohan'ny fotoana. Tamin'ny fiandohan'ny volana septambra 2019 izy ireo, efa-bavy sy fito lahy, no notanana am-ponja vonjimaika teny Antanimora, ary afak'omaly no niakatra fitsarana tao amin'ny Fitsarana ambaratonga voalohany Anosy.

Momba ity raharaha ity, nanome toromarika ny hanafainganana ny fitsarana ireo olona voatazona am-ponja vonjimaika ny filoha Andry Rajoelina, tamin'ny fitsidihana nataony nijereny ny zava-misy tao amin'ny fonjan'Antanimora ny 31 oktobra 2019 lasa teo. Ity fanapahankevitra ity aloha tsy nahi-

tana taratra izay toromarika avy amin'ny Filoha izay, mahaleotena amin'ny fanapahankeviny ny mpitsara ; ny fitsarana koa hande hiala sasatra aorian'io fotoana io, ary afaka iray volana any amin'ny tapaky ny volana january 2020 any indray vao hiverina hiasa.

Stefa

Fraisankinan'ny Hoavinign'Anôsy Matriky

## Mitsipaka ny fanapotehana ny torapasik'i Libanona



Ireto mpitarika ny fikambanana Fraisankinan'ny Hoavinign'Anôsy Matriky.

momba ny "Études d'im-pacts Environnementales" ary tsy nisy "Consul-tation publique" -natao mialoha; - Misy barrage naturel (Récif corallien) izay tsy maintsy ho voakitika raha tanterahina ao io tetik'asa lo; -Manahy ny mponina fa tsy ho tanteraka ilay fam-

panantenana ny ho fame-renana ilay toerana manatantara manerana izao tontolo izao. Koa ao anatin'ny fitadiavana ny marimaritra iraisana, sy fifampiresahana, dia mangataka ny Fanjakana foibe mba: - Hanafoana ilay fifanara-hana nisy teo amin'ny Ori-

nasa Telma, izay natao tamin'ny faran'ny volana novambra 2019 teo; - Hamindra ilay tetik'asa amin'ny toerana hafa eto Faradofay ihany, izay maro sy midadasika ary azo tanterahina izany araka ny fenitra ilaina. Ary efa fantatr'ilay Orinasa. Ankoatra izany, manentana koa ny fikambanana ny amin'ny fandrais-andraikiray ny tsirairay araka izay tandrify azy amin'ny tsy fandriampahalemana misy ao amin'ny distrika sy ny manodidina, izay miseho amin'ny endrinny maro : famakiana fasan-drazana, ...

Manantena ny firaikanina sy fifankatiavana ha-trany amin'ny asa fampa-ndrosoana ny Distrika sy ny Faritra.

Isambilo

Sekolin'ny zandary Ambositra

## Miomana amin'ny fandraiana ny andiany manaraka faha-75

Miomana fatratra amin'ny fandraiana ny andiany mpiofana manaraka, andiany faha-75 amin'izao fotoana, ny sekolin'ny zandarimariam-pirenena, na ny EGNA Ambositra. Ao anatin'izany, tontosaina nanomboka ny alatsinainy teo ao amin'ny Sekolin'ny Zandarimariam-pirenena Ambositra, ny fanitaran-traikefa ho an'ireo Mpandraikitra sy Mpanofana ary Mpanabe hisahana ny fanofanana ireo mpianatra ho Zandary andiany faha 75 ho avy izao. Ny kolonely Ramasitera avy eo anivon'ny Fibaikoana ireo sekoly sy fanofanana (CEGN), sy ny kolonely Miandrisoa, komandin'ny EGNA no misahana izany mandritry ny efarana. Tsara ampahatsiavina fa efa miakatra bakalôrea izao ny mari-pahaizana ho an'ny mpianatra ho zandary, ka tsy maintsy ampiakarina koa ny fari-pahaizana sy ny traikefan'ireo mpanofana. Tsara ho fantatra ihany koa fataorian'ny fivoran'ireo tomponandraikitra ambony ao anivon'ny Zandarimaria, dia nosafidiana manokana ny fampiharana ny atao hoe "Méritocratie", n any kolontsainy fahamendrehana.

Stefa



Ny fanofanana ireo mpampiofana ao amin'ny EGNA Ambositra.

## Taratasin'ny mpamaky

Taratasy ampitaina amin'ny gazety Ny Valosoa Vao-vao sy ny lecteurs-ny manaraka izao. Karana ny mpanolotsaina manokana ara-économie ny filoha Andry Rajoelina, dia gaga ny tena amin'izany. Firy Malagasy manampahaizagna en économie mety mavita asa io fa tsy itany mpitôndra é? Andeha anao contrôle vôle karana ampiasainy Malagasy à Madagascar eto nametrahana izy eo sady ampan-droso toe- karenany izy samy karana satria atsika Malagasy tena dondrona niady faleovantegna nefy misolelaka @ mpanjanaka koa. Maro olo mahay économie zany amintsika, amin'ny Province jiaby, misy mahay io, fa hiaro tombontsoan'ny karana sy vazaha aby ataon'ny karana viavy io. Presidenttsika koa citoyen Français ka raha karana ireo, ka izay koa anton'io nomination io. Mampalahelo antisika tena Malagasy.

Philippe Didier

## PRIERE AU SACRE CŒUR



Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue.

Remerciements au Sacré Cœur pour faveurs obtenues.

Faniry R.

# Mpiandry raharaha

## PHARMACIES DE GARDE

7/12/19 hatramin'ny  
14/12/19

- **ANTANIMENA** (Immeuble Santa, près Chocolaterie Robert), 020 22 200 00

- **ANDRAVOAHANGY** (près Epi d'oro), 020 22 245 12

- **MIARO** (Galerie Aro Ampefiloha), 020 22 621 18

- **OCEAN INDIEN** (Analakely avenue de l'Indépendance), 020 22 224 70

- **METROPOLE** (Antanina-renina), 020 22 200 25

HJRA (urgences) :  
033 11 890 58 /  
22 279 79

HOMI Soavinandriana :  
22 397 51

Hopital Befelatanana :  
22 223 84 / 22 6 N72 21

Hopital Loterana Ambohibao :  
22 441 88 / 22 485 17

Clinique des Soeurs Ankadifotsy : 22 235 54

Ambulances municipales :  
22 200 40  
Jirama:

Telma : (22)3547 (n° vert) /  
Airtel : 03 35 47 / Orange :  
032 32 3547

Pompiers :  
Tél : 118/22 250 18/  
22 225 66

Police :  
Hôtel Central de Police :  
17 / 22 227 35 / 22 357 09

1° Arrondissement  
Tsaralalana : 22 280 54  
2° Ambarindia : 22 309 46  
3° Antaninandro : 22 291 30  
4° Isotry : 22 280 51  
5° Mahamasina : 22 280 48  
6° Ambohimanarina :  
22 225 52  
7° 67 Ha : 22 291 29  
8° Analamahitsy : 22 493 25  
Brigade criminelle :  
22 216 78 / 22 210 29 /  
22 674 83 na 84

GIR : 22 227 35

Gazetim-baovao miseho  
intelo  
isan-kerinandro  
Vidiny: 300 Ar  
Adiresy: lot T 70 Ankadindrantombo

**TALEN'NY FAMOAHANA :**  
Rahelisoa A.  
034 79 07600

## MPANAO GAZETY

**Politika:**  
Isambilo: 033 24 783 65  
Rajo: 033 80 022 53  
Andry Tsialonona 032 07 744 55

**Toe-karena :**  
Aly : 033 18 382 88

**Kolontaina:**  
Aris: 034 17 460 53  
Beharo : 032 02 557 89

**Fanatanjahantena:**  
Lita: 033 41 557 69

**Mailaka:**  
gvalosoa@yahoo.com  
**NATONTAN'NY MATEX Imprimerie**

Fametrahana 993-12-19  
Isan'ny natonta: 10 000

Tsy azo adika, na alain-tahaka, na  
antsaina ampahibemaso  
raha tsy ahamoala alalanja vita  
soratana ny amin'ny  
tompony

## CUA

### Tsy mikely soroka amin'ny fanalefahana ny fitohan'an'ny fifamoivoizana

**E**fa ao anatin'ny volon'andro fetin'ny krismasy sy ny fandrindra ny taona vaovao ankehitriny ny eto Antananarivo Renivohitra, vokatr'izany, maro be ny fiara mifamezivezy eto an-toerana. Ao anatin'izay, tsy mikely soroka ny mpitantana ny Kaominina Antananarivo Renivohitra (CUA), tarihin'ny ben'ny tanàna Lalao Ravalomanana manao ny asa analefahana ny fitohan'an'ny fifamoivoizana. Nidina ifotony, omaly, teny amin'ny faritra mena hisian'ny fitohan'an'ny fiarakodina ny sekretera jeneralin'ny kaominina Antananarivo Renivohitra, Landy Raveloson, niaraka tamin'ny polisy monisipaly nandrindra ny fifamoivoizana, mba hanarahan'ireo fiara taxi-be ny lalànan'ny fifamoivoizana, mba hipetraka amin'ny

toeram-piantsonana sahaza ho azy izy ireo, fa tsy hibahana ny arabe. Raha ho an'ny eo Andohan'Analakely sy Ambohijatovo manokana dia efa misy mazava ny takelaby izoran'ny taxibe mihazo ny lalana Rabezavàna sy manitsy amin'ny arabe manaraka ny pavillon Analakely: lalana Andrianampoinimerina. Ankoatra izay dia hiparitaka amin'ny faritra mafana amin'ny fitohan'an'ny fiara ny polisy monisipaly sy ny polisy nasionaly, handrindra ny fifamoivoizana hoy ny sekretera jeneralin'ny CUA, Landy Raveloson, satria hita hoy izy fa marobe ireo fiara fitaterana no tsy manara-dalàna, ka mahatonga ny fitohan'an'ny fiara lavareny eto andrenivohitra.


**Helisoa**



**Ny sekretera jeneralin'ny CUA, nidina ifotony amin'ny fandrindra ny fifamoivoizana.**

## BEHARO

### Teny tondro (Ny Valosoa Vaovao) N° 303



Misy ny teny Malagasy ofisialy sy ny tenim-paritra

Ohatra : Valy = Vady

### Valliny Teny Tondro (0302)

#### Mitsivalana

- Rindrina
- No (Miv) - If - On
- Diavinao
- Ia
- Boribory
- Ela - Ov
- Embona

#### Mitsangana

- Rodobe
- Iny - Lelo (Miv)
- Maria (Miv)
- Divay
- Rfi - Bao
- Nao
- Noa - Roa
- Vilona (Miv)

Orinasam-piantohana Mama

### Mijoro miaro ny orinasa ny Filankevi-pitantanana sy ny mpiasa



**Ireo mpitantana ny Mama sy ny mpiasa, nitafa tamin'ny mpanao gazety.**

Namory mpanao gazety ny teo anivon'ny filankevi-pitantanan'ny orinasam-piantohana MAMA sy ireo solon-tenanan'ny mpiasa. Mijoro izy ireo miaro ity orinasam-piantohana ity. Nambaran'izy ireo tamin'izany: ho averina ho potehina indray ve ny MAMA? hoy izy ireo. Misy ireo mitonona ho tompon'ny MAMA sy manalabaraka azy isan'andro hoy ny fanambarana. Tonga ny fotoana ankehitriny hoy izy ireo ilazana ny zavatra marina, dia tsy iza izy ireo fa ny zanaka lahy ny PCA teo aloha tao amin'ny MAMA, izay anisan'ny namotika sy nampibaby trosa amina miliara ariary, ka nesorin'ny fanjakana tamin'izany fotoana izany, noho ny fitantanana tsy mahomby. Ao ihany koa ny anabavin'ny mpitondra ny MAMA teo aloha. Lasa lavitra ny raharaha ankehitriny satria dia efa misy ny fandrahonana maro samihafa manoloana ireo tale amperin'asa, ny MAMA anefa dia manana sata izay mifehy azy, mamaritra ny fanendrena ireo mpitondra sy mpitantana ao aminy, ka ny Assemblée Générale, na ny fivoriambe ihany no ahafahana manatanteraka izany, fa tsy ny fivazavazana eny amin'ny arabe akory no hitenenana hoe omeo anay ny fitantanana ny MAMA, fa misy lalàna mifehy ao, hoy hatrany ireto tompon'andraikirity ny MAMA ankehitriny ireto. Miisa valo ireo anatin'ny conseil d'administration, na ny filankevi-pitantanana ankehitriny, ny enina dia nofidiana tany amin'ny Assemblée Générale, izy natao tamin'ny herintaona toy izao tany Nosy-Be, ka nahalany an'izy ireo tamin'ny fivoriambe izay natao ireo, ny roa kosa izay nofidiana tetra Antananarivo tamin'ireo solontenan'ny mpiasa, izay fididianana mangaraha tokoa. Manamafy hatrany izy ireo fa ara-dalàna, ao anatin'ny fitantanana ity orin'asa ity.

**Niaina**

## TENY MIFANAPAKA

N° 303

A	B	D	E	F	G	H	I	J	K
1									
2									
3									
4									
5									
6									
7									
8									
9									
10									

#### Mitsivalana

- Zazakely vao teraka
- Tafita - Kianteny
- Tampsaka - Fadiratry
- Tsy nahalo-peo - Antsiben'Andriamanitra (Miv)
- Vizana - Mahantra - Tsofoka
- Hekitara - Farihyt malaza any Atsinanana
- Hita amin'ny fery (Miv) - Fafa (Miv)
- Dimbinao
- Vanim-potoana (Miv)
- Miaiky

#### Mitsangana

- Balahazo
- Aloa
- Fanampin'Anarana - Milaza fana-nana
- Feo miverina (BR) Zava-maniry
- Hita amin'ny ratra - Nihira (Miv)
- Fianakaviany
- Voankazo - Zana-tsoratra tsy mitovy
- Mampisafidy - Marina - Lalam-pirenenena J. Nanao fihaonambe - Eny
- K. Naoty - Mpanjaka (Miv)

### Valiny Teny mifanaraka 0302

#### Mitsivalana

- Tahiry - Afo
- Eso - Tsia
- Narary - To (Miv)
- Soa (Miv) - IV
- Inri (Miv) - Natao
- Niaqnjera
- Na - Filio
- Ondry - Kaly
- Nararaotin(a)
- Safo (Miv) - (L)ava

#### Mitsangana

- Tandindona B. Ry - Na D. Herinandro
- Isa - Farany (Miv) F. Rora - (H)ira
- Fenoy (Miv) H. Sariko I. Osa (Miv) - Talata J. Fitia - Vily (Miv) K. Ao (Miv) - Vonoina

# An-tsary misongadina Ny Valosoa Vaovao

Helisoa, Njaka

Ny fanamboaran'ny CUA «buse» izay nampikaikaika ny mponina teny Ambohitrakely.



Nidina ifotony njery akaiky ny fandrindrana ny fifamoivoizana ny sekretera jeneralin'ny CUA.

